

unndertenige seytt unnd dodurch schuldig, gdachter kirchenn das nuczlichste unnd beste
 zu trachtenn, dovon anstat unnd von wegen koniglicher majestat ich euch hyemith ernst-
 lich bevehle unnd begere, ir wollet vonn stund an unnd unvorzoglich die gemelkten schue-
 knecht mit ernsst annhaldenn unnd weyszenn, das sie solch ire brüderschafft in der pfarr-
 kirchen bey euch haldenn, bestellenn und auszrichten, in allir massze die vor zeytten 5
 doselbst von ynen gegangenenn unnd gehaldenn ist. Ich bevehle euch auch weytter, gut
 achtunge [zu] habenn, wo^{b)} eynicher adir mehr ausz den schueheknechtenn dowider
 s^{b)} entbürenn wurde adir würdenn,^{b)} den adir die mit gefenngenisz
^{b)} verbürgenisz
 10
^{b)} willigenn frevel unnd widerseczung koniglicher majestat unnd euch abetragek zu
 thunn nicht^{b)} noch enthweichenn mogenn unnd die brüderschafft, wie vor alders
 biszher inn der pfarrkirchen gescheenn sey, zu haldenn gelobenn. Unnd ap imands bey
 euch were, der annders dann wie ge^{b)} die althergebrochte lobliche ubunge bedacht
 furzunehmenn, den auch alszo inn straff nehmenn, uff das nimands geursacht, sich einichs 15
 unndrechtens zu beclagenn, auch gote dem almechtigenn sein beheglicher dinst inn eur
 pfarrkirchenn nicht entzogenn werde, eben alszo unnd kein annderss thun, noch fürzu-
 nehmenn gestattenn. Das kompt sunder zweyffel koniglicher majestat zw ernnstem wol-
 gfallin. Szo wil ichss vor meynn persson in gunstigen willenn gegen euch erkennenn.
 Gebin zw Budissin am dinstage noch santi Galli, anno —^{b)} decimo tercio. 20

Cristoff her von Warttenbergk unnd Tetzschenn 2c.,
 desz margraffthumbs Obirlausitzs lanndtvoyt.

Den ersamen unnd weisen, burgermeister unnd rathmannen der stadt Lobawe, meynen gutenn freunndenn.

125.

25

1514 Febr. 12.

Hdschr.: Or. Perg. Stadtarchiv Löbau No. 91 mit S. (Abbild. No. XI) an Pergamentstreif.

Der Rath zu Löbau (ohne Aufführung der Namen) bezeugt, daß Mathe Tenler unßer armmann mit unßer gunst und gudem willenn — dem wirdigenn herrn Donat altarist deß altars sancti Andree zun der Lobow inn der pfarkirchenn zunnehest der 30 deßekammer gelegenn und all seinen Amtsnachfolgern wiederkäuflich verkauft hat 6 Gr. jährlichen Zins um 1 Schock Görnitzische Groschen auf seinem Garten. — Actum dominica post Apolonie virginis anno 2c. decimo quarto.

124. ^{b)} Lücken in der Abschrift.